

聚學軒叢書

鐵橋金石跋卷一

聚學軒叢書第三集



烏程嚴可均譔

貴池劉世珩校刊

三代

孔子觀延陵君之子葬題字

王象之輿地碑目載吳季子墓銘一在鎮江府一在江陰軍一在台州巴川縣一在昌州北山今巴蜀二碑佚失僅見丹徒江陰二碑及丹陽驛前重摹碑三文大同碑下方各有題字惟江陰碑之朱彥記所辨季子墓在申港卽申浦又辨潤之延陵非古之延陵爲最確越絕書由毗陵上湖中湖中冢者季子冢也史記吳世家集解引皇覽延陵季子冢在毗陵暨陽鄉至今吏民皆祀

事路史國名紀古延陵在今常之晉陵故漢毗陵地志
會稽毗陵季札居公羊云札退居延陵終身蓋因封此
今江陰夫容湖西馬鞍山札所耕處有札墓今墓在縣
北七十里申浦之西江陰西三十五里合此數說足證
朱彥所攷是也歐陽董趙疑此篆非孔子書然皆以字
之大小及孔子未至吳紛紛致辯而於流傳原委未能
攷究且磬之畧摹二篆尙皆誤識而據定爲好事者僞
爲豈非惑易實則唐內府所藏必有真跡殘字故殷仲
容得以摹傳故宋得以摹入淳化官帖及絳帖帖本作

之五篆外皆與碑異字數次第亦異王澐法帖考正讀

𡗗爲博邑與諸家釋又異今據王讀因悟此篆必
孔子書而與季子墓實不相涉季子聘上國喪子於嬴
博之閒見檀弓此蓋孔子觀葬時題字歲久剝蝕越次
摹傳者稍以意改後復放爲大字刻于延陵廟故碑本
帖本違異如此碑之嬴篆是君非季吾子行已釋正碑
末慧篆必非墓字友人畢孝廉以田謂慧從古文舛從
𡗗當是葬字讀此當以於虜句有吳延陵君句之子葬
句與檀弓觀葬事正合而千古疑團頓釋矣水經注奉
高縣北有吳季札子墓在汶水南曲中從征記曰嬴縣
西六十里有季札兒冢冢圓其高可隱也前有石銘一
所漢末奉高令所立無所述敘標誌而已自昔恆蜀民

金匱石經卷一
戶灑掃之今不能然碑石糜碎靡有遺矣惟故趺存焉
按羸博在今萊蕪縣境縣西北三十里有季札子墓若
摹取十字篆樹碑墓道纔爲覈實聖文僅存縮之更小
放之更大皆真蹟也且可證經爲識字助官是土者倘
有意乎

石鼓文

右石鼓文今在國學櫺星門內左右各五元潘迪撰音
訓刻碑立於右旁傳見存三百八十六字余于嘉慶乙
丑秋親至鼓所手自甄椎得三百十六字以天一閣所
藏北宋拓本校之僅存十之七而已古文籀文見于鐘
鼎彝器者甚多石鼓殊不類謂是周成王宣王時物未

敢傳和金馬定國以西魏大統十一年十月西狩岐陽
斷此鼓爲宇文周物按第九鼓有日佳丙申句以魏史
推之十月得有丙申以南北史推之十月不得有丙申
續漢郡國志注陳倉有石鼓山或卽以石鼓得名則字
文之說亦難盡信昌黎詩云公從何處得紙本毫髮盡
備無差訛又云年深豈免有缺畫知唐搨有半蝕字無
全闕字而宋釋諸家皆不滿五百字又多傳會之失至
楊慎偽造全文尤無足辯丙申下一字舊釋爲旭余與
孫淵如觀察識是𠂔卽𠂔字非旭字又避卽吾字避卽
御字𠂔亦御字𠂔卽𠂔字𠂔卽𠂔字𠂔卽𠂔字𠂔卽𠂔字
字𠂔卽儀禮清字竝舊釋所未備

秦

泰山刻石

秦泰山刻石舊在玉女池上西公所後明宏治中僉事灤河許莊移之西公所壁閒雍乾閒公所傾圮石亡此明拓舊本家侍讀長明字道甫所藏嘉慶十三年孫淵如觀察得之於金陵其明年歸余插架

泰山秦篆譜

泰山秦篆小字譜凡三刻于石金石錄云汶陽劉跂斯立親至泰山絕頂見碑四面有字乃摹其文刻石自爲後序此初刻也潘駙馬取入絳州帖行列段數周匡剝泐悉仍跂舊惟跂于缺字七十六以史記足之注其下

并自爲後序帖皆刪去此再刻也元申屠駟會稽刻石
跋云至元閒行臺侍御史李處巽獲劉跂所摹本刊於
建業郡庠明楊東里續集亦云應天府學有此譜刻石
余得之張士謙此三刻也跂原石久佚所見惟絳州帖
而已都亢敬所收劉譜蓋卽至元刻本應天府學爲今
江甯縣學其石未必遽毀俟更訪得之跂作趙氏金石
錄序云余登泰山觀秦相斯所刻退而按史遷所記大
凡百四十有六字而差失者九字以此積之諸書浩博
其失胡可勝言則此譜爲功于史不小況可攷證六書
豈得任其湮沒跂汝陽人寶刻叢編作溇澗楊東里乃
云河閒人

會稽刻石

秦會稽刻石六朝唐人皆見之歐趙不著于錄蓋宋時石佚也元申屠子迪以家藏舊本重刻于紹興學宮審觀字畫似經臨寫過損缺漫患處皆以意補故首尾完美如此自唐末以來號爲能篆者如王文秉郭忠恕夢英等皆祖陽冰惟徐鉉及元之劉惟一能師秦篆是刻雄健不及繹山而整飭過之或卽惟一等所臨寫史記正義云此二頌三句爲韻其碑見在會稽山上其文及書皆李斯其字四寸畫如小指圖鑄今文字整頓是小篆字而是刻字徑漢尺三寸畫僅一分顯陳舊章正義作彰云碑文作畫璋也率取自強史記作自疆正義云

碑文作率眾邦强畫璋或然邦字可疑內飾詐謀史記
索隱云刻石文作謀詐小司馬但據王劭所引張敞錄
非親見石本者又史記二世元年南至會稽而盡刻始
皇所立刻石石旁著大臣從者名云云似頌詞後當有
皇帝曰金石刻已下七十九字與泰山琅琊之罍繹山
同而此數事是刻敢與違異足明申屠家實藏舊本非
依史記偽造申屠跋謂石刻與史記不同者四事而平
壹字內史記作平一親軼天下作親巡黔首齊莊作齋
莊本原事速作事迹初平漢式作法式率眾自強作自
疆被澤無疆作無疆黔首脩絜作脩潔光陞休銘作光
垂諸凡小異未害大同故未悉舉金薤琳琅謂殺之無

罪石刻作無辜又謂史云有子不嫁和安敦誠今驗拓本作無辜驗史記作而嫁作敦勉都氏僅舉三事皆不符所未解也是刻爲明人磨去改刻他碑知府李曉園以拓本再刊於原石而割棄申屠舊跋易以己跋又有翁覃溪等題名墨本廣傳宛然元刻云

漢

戚伯著碑

大歲丁亥隸釋考是建武三年或章和元年

右漢戚伯著碑蓋宋拓本嘉慶丙寅歲孫觀察星衍之仲弟星衡得之于京師有孫退谷印記卽朱竹垞葉九來所爲作跋者也九來言其額周字上有本字今此額但存之碑二字蓋重標時或因破碎割去額首本周未

嗣戚氏襲以興勃海君玄孫伯著十六字并朱葉二跋
皆棄之殊可惜此碑集古錄集古錄目金石錄天下碑
錄隸釋隸續字原皆列其目隸釋載有全文與此本對
校頗多互異碑云而爲姓焉釋作性焉調官近土釋作
沛土攷卜罔營釋作叔卜朶略旨通卽七略釋作才略
宗緒上泯字釋作隕伊惟釋作伯著顯屬洪氏之誤又
効乃功字捐爾卽捐璽而乎卽天乎洪氏亦未及言足
見真蹟爲可貴碑石久佚今世收藏家無著于錄者恐
海內未必有第二本因盡日之力手自雙鈎以待好古
者重刻以廣其傳

嵩山少室東闕江孟等題名

無年月

此無缺字精拓本也紆姓不他見或與舒同

西嶽華山廟碑

延熹八年四月

右華山廟碑石已毀此明拓本舊爲鄆縣豐氏萬卷樓所藏雍正末歸全謝山謝山有跋載鮎崎亭集後歸范氏天一閣乾隆末歸錢竹汀嘉慶十三年歸阮伯元撫部越三年余在撫部寓所坐卧相對者七日雙鉤一幅而歸此本單紙整幅未經割標凡泐缺百餘字碑首有李衛公等題名爲長垣華陰兩本所無洵海內墨寶也

又

此宋拓本明李爲長垣王文蓀鵬沖所藏文蓀與王覺斯爲親家冊後有覺斯跋康熙三十八年歸商邱宋漫

堂漫堂及邵子湘有詩朱竹垞有跋乾隆末歸陳伯恭
學士嘉慶二年歸成邸碑文完善其偏旁損缺僅十許
字惟額左右之李衛公等題名失拓余旣從阮伯元撫
部借得四明天一閣整本手自雙鉤訖整本缺字百餘
乃借出成邸此本鉤補缺字合而觀之整本洗碑晚拓
鋒鋌畢露而字畫稍肥此本較瘦勁竹垞以爲驚心動
魄故自不誣因復全鉤一本而額首缺題名亦以整本
鉤補附諸冊末雍正閒如皋姜任脩曾以此本重刻于
石而鉤手庸惡牛鬼蛇神不復成字緣此本乃凍墨所
拓要審視墨暈并與整本對看始能措手也顧南原曾
鉤此本與翁覃谿閣學鉤本皆無鋒鋌與真蹟不合朱

金村金石記卷一
竹君學士得華陰王無異本余未見之聞亦缺百餘字
不及此本完善

淳于長夏承碑

建寧三年六月

右夏承碑宋元祐中洺州治河出土卽今廣平府也歲
久碑仆明成化己亥知府秦民悅建愛古軒覆之碑之
下截凡百一十字年久蘚蝕經後人摹刻見民悅廣平
志嘉靖癸卯築城爲工匠所毀越二年乙巳知府唐曜
重刻于漳川書院碑舊十四行行二十七字重刻改爲
十三行行三十字筆法全失并字畫之譌者三十有七
至以勤約作勤紹尤譌之甚者豐道生萬卷樓有朱拓
本後歸全謝山又歸楊景西又歸陸謹庭闕化行以下

三十字何屺瞻得朱拓本亦多闕字唯王虛舟臨摹胡
玉笥之雙鉤本頗完善惜未得見之又天一閣碑目有
此碑亦未得見近翁覃谿有重摹本云出無錫華氏真
賞齋所藏又程瑤田有重摹本云得周櫟園所藏余以
二本與嘉靖碑互校則程本稍佳嘉靖碑雖有譌字仍
在翁本之上因合三本裝之歸于插架碑舊有穿有篆
額云漢北海淳于長夏君碑三行黑字諸舊本未拓得
故翁程所摹皆無額也

成陽靈臺碑

建寧五年五月

右成陽靈臺碑黃小松司馬雙鉤本校隸釋多出不積
哀平刑茲詠奏末九字莫不被德被字微泐翁覃谿閣

金石錄卷一
學據是碑德被廣被皆書爲彼審此字形恐是枹字若然枹借爲飽其說較長惜未獲原本覆審之

元儒先生婁壽碑

嘉平三年正月

右漢元儒先生婁壽碑舊在湖北光化縣石已佚余在都門有碑賈以宋拓求售索直過高不能得乃雙鉤一本歸諸插架長洲蔣氏無錫華氏所藏皆有闕文此獨完美惟失篆額耳天一閣有此碑惜未得見漢陽葉東卿得一完本亦云宋拓余反覆審觀未能定之

嵩山堂谿典請雨銘

熹平四年

銘後不知缺幾行前無缺審觀五官行前寸許卽弓邊外皆效紋翁氏圖此于首行前虛一行云己前未知缺